

ሚልኪያሴ ማፃኣፖ ዓይያ ካር

ጾኦ ማሊያ ከኤዜ ሚልኪያሴ ማፃኣፖ ፃኣፒንቴሢ ኪሪሰቶሴ ሾይንታንዳሢኮ ቤርታ ደንጋሳ ጌኤቶ ሌዖና ዬሩሳላሜይዳ ጌኤዠ ማኣራ ጊንሣ ማዠፒንቴሢኮ ጊንፃኣኬ። ጾኦ ማሊያ ከኤዛ ሚልኪያሴ ደዲሺ ላታሢ ቁኤሶ ማዔያታቴያ ዴራ ጾኦና ዎላ ጫኣቁ ጫኣቁዎ ጊንሣ ዓካሳንዳያ ኮይሳሢኬ፤ ጾኦኮ ዴራ ናንጋ ናንጎና ማዔቴያ ካኣሸካ ካኣዠና ሺኔ ጌዔ ጎይሢ ናንጋያና ፑርቴያ ማዔሢ ዔርቴያኬ፤ ዬያ ሌሊቱዎንቴ ቁኤሶንታ ዴርንታ ኮይሳያ ማዔ ጾኦም ዒንጎ ዒንጊያዎ ሺኢሹዎዎ ሃሺ ዔያቶም ዒንጊንቴ ዳምቦ ጎይያ ናንጎ ሃሺሢና ጾኦ ዔያታ ጌሻኒ ማሌኔ። ዬያር ጾኦ ጎይያ ፔኤኮ ጊኢጊሻኒና ዔያቶና ዎላ ጫኣቁ ጫኣቁዎ ዒላቲ ከኤዛኒ ፔኤኮ ኪኢቶ ዓሢ ቤርታሲ ዳኬሰካፓ ዴር ዎጋኒና ጌኤሻኒ ሙካንዳኔ።

ማፃኣፔላ ዲማ ዲማ ዓርቁ ባኮ

- ናንጊና ናንጋ ጎዳ ዒሰራዔኤሌ ዴር ናሽካ ናሹዎ (1:1-5)
- ጾኦ ቁኤሶ ዎጋንዳያ ማዒያ (1:6—2:9)
- ጾኦና ዎላ ጫኣቆና ጫኣቁማ ሃሺንቴሢ (2:10-17)
- ናንጊና ናንጋ ጎዳኮ ሙኮ (3:1-5)
- ጾኦ ጌሻኒ ኮይሶዎኣያ ማዒያ (3:6-15)
- ጉሙርቁንታ ዓሶም ቦንቺ ዒንጎንዶ ባኮንታ ፑርቶ ዓሳኣ ዎጊንታንዳሢ ዛላ (3:16—4:6)

1 ናንጊና ናንጋ ጎዳ ፔ ማሊያ ከኤዛ ሚልኪያሴ ዛሎና ዒሰራዔኤሌ ዴርም ከኤዜ ዒዛ ማሊያ ቃኣላ ያዲኬ።

ናንጊና ናንጋ ጎዳ ዒሰራዔኤሌ ናሽካ ናሹዎ

2 ናንጊና ናንጋ ጎዳ ፔኤኮ ዴር «ታ ዒንሢ ናሽኬኔ» ጋዓኔ። ዒንሢ ጋዓንቴ «ዎያይዲ ኔ ኦና ናሽኬይ?» ጋዓኔ።

ናንጊና ናንጋ ጎዳ ማሃያ፡- «ዔኤሳዎና ያይቆኦቤና ዎሊኮ ጌርሲንሢኬ፤ ታኣኒ ያይቆኦቤ ናሽኬኔ፤ ³ ዔኤሳዎ ጋዓንቴ ታኣኒ ዒጸኔ፤ ዔኤሳዎኮ ጌሚራዳ ዓጮ ዓሲ ናንጉዎ ዳውሌ ታኣኒ ማሄኔ፤ ሳዔሎዎ ዉኡካ ኮኦሚ ሺራ ቤሲ ታኣኒ ማሄኔ» ጌዔኔ።

1:3 1:3 ሮሜ 9:13።

4 ዓድደሜ ዓሶ ገይንታ ዓኤሳዎ ዜርፃ፡- «ካታማ ኑኡኮ ሻሂንቴኔ፤ ጋዓንቴ ማሂ ኑኡኒ ማዠንዳኔ» ገዔቴ ቢያ ባኮ ዎይህ ጎዳ ሂዚ ጋዓኔ፡- «ዔያታ ማዠንዳኔ፤ ታኣኒ ጋዓንቴ ዬያ ሻሂንዳኔ፤ ዓሲ ቢያ ዬኖ ዓጩሎ <ፑርታ ሳዓ> ዒኢካ ናንጋ ዓሶዎ <ናንገና ናንጋ ጎዳ ጫሽኬ ዳሬ> ገይ ዓኤሳንዳኔ።»

5 ዒንሢ ዬያ ቢያ ዒንሢ ዓኣፒና ዛገ፡- «ናንገና ናንጋ ጎዳ ዒሰራዔኤሌ ዓጮይዳ ሌሊቱዋንቴ ማሌ ዓጮይዳኣ ዴኤፒኬ!» ጋዓንዳኔ።

ናንገና ናንጋ ጎዳ ቄኤሶ ዞሪ ጎሬሢ

6 ቢያ ባኮ ዎይህ ጎዳ ቄኤሶም ሂዚ ጋዓኔ፡- «ናይ ፔኤኮ ዓዶ፣ ዓይሌ ፔኤኮ ጎዳ ቦቦንቻኔ፤ ዓካሪ፣ ታኣኒ ዒንሢኮ ዓዶ ማዓያታቴ ዓይጎሮ ዒንሢ ታና ቦንቹዎይ? ታ ዒንሢኮ ጎዳ ማዔያታቴ ዓይጋ ዒንሢ ታና ዒጊጩዎይ? ዒንሢ ታኣኮ ሱንፆ ቶኦቹኔ፤ ጋዓንቴ ዒንሢ፡- <ሱንፆ ኔኤኮ ኑ ቶኦቹሢ ዎይቲዳይ?> ገይ ፆኦጫኔ። 7 ዒኢቴ ሙኡዚ ታኣም ዒንጎ ባኮ ዒንጎ ቤዛ ሸኢሸ፡- «ኔኤም ዒንጎ ባኮ ዒንጎ ቤዛ ዎይቲ ኑ ዒኢሴይ?» ገይ ዒንሢ ፆኦጫኔ፤ ዒንሢ ዬያ ዒኢሴሢ ታኣኮ ሙፆ ሙፆ ጋባዳ ቶኦቹንቴያኬ ጋዓሢሮኬ። 8 ዒንሢ ዓኣፒ ባይቄያ፣ ሃርጊንቴያና ዎቦ ማዔ ቆልሞ ታኣም ዒንጎ ዒንጊሢ ማሂ ሸኢሸ፣ ዳቢንቲ ማዴያ ዒንሢም ማሉዋዓዳ? ዬያ፡- «ቆልሞ ዒንሢኮ ሱኡጋሢም ዒንጎ ባኣዚ ማሂ ዒንሢ ዒንገቴ ዎዛና ዒንሢፓ ዔከ፣ ዒዚ ዒንሢ ጋለታንዳያ ዒንሢም ማላ?» ጋዓኔ ቢያ ባኮ ዎይህ ጎዳ።

9 ዒንሢ ቄኤሳ! ዬያ ቢያ ማዲጋፓ ናንገና ናንጋ ጎዳ ኮሺ ባኣዚ ዒንሢም ማዶም ሸኢቃዛ፣ ሸኢጲፆ ዒንሢኮ ዒዚ ዔካንዳያ ማላ? ዬያኮዎ ዳቢንታ ዒንሢዳኬ ጋዓኔ ቢያ ባኮ ዎይህ ጎዳሢ። 10 ቢያ ባኮ ዎይህ ጎዳ፡- «ታኣም ዒንጎ ባኮ ዒንጎ ቤዛይዳ ማዒባኣ ታሚ ዒንሢ ዓኤሢያይዳፓ ገኤኩ ማኣሮኮ ካሮ ዎዳ ዓሲ ዒንሢዳፓ ፔቴ ጴዴቴ ዓይጎ! ዒንሢና ታኣኒ ዎዛዲዎኣያ ማዕሢሮ ዒንሢ ታኣም ዒንጋ ዒንገፆ ታኣኒ ዔካዓኬ፤ 11 ሃኣዛጉዎቴ፤ ዓጮ ዳራ ቢያ ካራፓ ካሮ ሄላንዳኣና ታና ቦንቻኔ፤ ዎኖ ቤዛ ማዓቴያ ታኣም ዐንጃ ጩቢሺ ጩቢሺ ዒንጎ ዒንጊሢ ገኤሺ ዔያታ ታኣም ሸኢሻኔ፤ ዓሲ ቢያ ቦንቹያ ታና ቦንቻኔ። 12 ዒንሢ ጋዓንቴ፡- «ናንገና ናንጋ ጎዳም ዒንጎ ባኮ ዒንጎ ቤዛ ዒኢቴያኬ» <ሙዓኣ ቶኦቹንቴያኬ> ገይ ገይ

1:5 1:5 ዓሲ. 34:5-17፤ 63:1-6፤ ዓር. 49:7-22፤ ሂዚ. 25:12-14፤ 35:1-15፤ ዓዎ. 1:11-12፤ ዓብዱ. 1-14። 1:8 1:8 ላሚ. ዎማ 15:21።

ዲንሢ ጦሃኔ። 13 ሃሣ ዲንሢ ዓማሊ ሚኢጪ ሚኢጪ <ሃይ ቢያ ዎዚ ዲሣ ባኣዚ ዳይ!> ጋዓኔ። ዉኡቂ ዔኮናያ፣ ዎቦ፤ ጊንሣ ሃሣ ሃርጊንቴ ቆልሞ ዲንጎ ዲንጊሢ ማሂ ዲንሢ ሺኢሻኔ፤ ታኣኒ ዬያ ዲንሢኮ ዔካያ ዲንሢሞ ማላ? 14 ታኣኒ ዴኤፒ ካኣቲኬ፤ ሱንፃ ታኣኮ ዴር ቤርታ ቦንቸንቴያ ማዔሢሮ ማራቶ ባኣኮይዳ ዓይ ማራይ ዓኣንቴ ዲዚ ናኣቤ ናኣቦሞ ቦሂሳ ባኣዚ ዓኣ ማራይ ታኣሞ ዲንጎ ዲንጊሢ ማሂ ሺኢሻሢ ጋዳንቂንቴያ ማዎሞ!» ጋዓኔ፤ ቢያ ባኮ ዎይሣ ጎዳሢ።

2

1 ቢያ ባኮ ዎይሣ ጎዳ ቁኤሶም ሂዚ ጋዓኔ፡- «ዲንሢ ሃይ ቁኤሳ! ሃይ ዓይሢፃ ዲንሢሞኬ። 2 ዲንሢ ዎይዘ ዲፃቴ፣ ሱንፃዎ ታኣኮ ቦንቸን ታኣኮ ቃኣሎ ዲኖይዳ ዲንሢ ዓርቂባኣቴ ታ ዲንሢ ጋዳንቃንዳኔ፤ ዓንጅ ዲንሢሲ ጫሺ ማሂ ታኣኒ ሺርሻንዳኔ፤ ታና ቦንቸን ዲና ዲንሢኮ ኮዑሞያ ማዔሢሮ ጎኔና ዬያ ቢያ ታኣኒ ዲንሢዳ ማዳንዳኔ። 3 ዲንሢ ማዳ ባኮር ናኣቶይዳ ታ ዲንሢኮ ማቶ ዓጋንዳኔ፤ ታኣሞ ዲንጎ ዲንጊያ ማሂ ዔኪ ዲንሢ ሙካ ቆልሞኮ ማኤኮ ታኣኒ ዲንሢኮ ቤርታ ላኣሊ ዲንሢ ታ ዳውሲሳንዳኔ፤ ታ ቤርታፓ ታ ዲንሢ ሺኢሻንዳኔ። 4 ሌዊና ዲዛኮ ዜርፆና ዎላ ታኣኒ ጫኣቁ ጫኣቁማ ደዲ ናንጋንዳጉዲ ሃያ ዓይሢፃ ታ ዲንሢሞ ዳኬያ ማዔሢ ዲንሢ ዔራንዳኔ።

5 «ታኣኒ ዔያቶም ጫኣቁ ጫኣቁማ ናንጊንታ ኮሹሞዎ ዲንጋ ጫኣቁሞኬ፤ ዬያጉዲ ታና ዲንሢ ቦንቸንዳያ ኮይሳኔ፤ ዔያታ ታና ዲጊጪ ሱንፃዎ ታኣኮ ቦንቸ ናንጌኔ። 6 ዔያታ ዓሶ ጎኑሞ ዔርዜኔ፤ ዳንጎይዳፓ ዔያቶኮ ሉኡዙሞ ኬሰኪባኣሴ፤ ታኣና ዎላ ኮሹሞና፣ ሃሣ ፒዙሞና ዔያታ ሃንቴኔ፤ ዔያታ ዔርዛ ዔርዚያና ሚርጌሢ ዳቢንቲፓ ማሃኔ። 7 ቁኤሴ ቢያ ባኮ ዎይሣ ጎዳሢኮ ኪኢታ ዓሲ ማዔሢሮ፤ ዴራኣ ዲዛይዳፓ ዔራቶ ኮዓሢሮ ቁኤሴኮ ዳንጋ ዔራቶና ጌሰታያ ማዓኒ ኮይሳኔ። 8 ዲንሢ ጋዓንቴ ጎይፃፓ ኬሰኪ ዲንሢ ዔርዚያና ሚርጌሢ ዳቁሴኔ፤ ሌዊና ዎላ ታኣኒ ጫኣቁ ጫኣቁሞዎ ዲንሢ ሻሃኔ። 9 ታኣኮ ዳሞቦ ካፒ ማዶ ሃሺሢና ዎጌ ዛላይዳ ዓሲ ደማሲ ዲንሢ ማዳሢሮ ታኣኒያ ዴር ቢያሢኮ ቤርቶይዳ ዲንሢ ቶኣቸንቴ ዳውሲንታንዳጉዲ ማሃንዳኔ።»

ዴራ ያኣሲም ጉሙርቂንቱዎ ማዔሢ

2:4 2:4 ፓይ. ማፃ 3:11-13። 2:5 2:5 ፓይ. ማፃ 25:12።

10 ኑና ቢያሢኮ ፔቴ ዓዴ ዓኣያቱዋዓዳ? ኑና ማገዢህያ ፔቴ ያኦሲቱዋዓዳ? ሂዳዎ ኑኡኮ ቤርታኣ ዓደንሢ ጫኣቄ ጫኣቄዋ ኑኡኒ ሻሂ ዋለም ጉሙርቁንቱዋያ ዋይቲ ማዓይ? 11 ዪሁዳ ዴራ ናንገና ናንጋ ጎዳም ጉሙርቁንቱዋያ ማዓይ፤ ዒሰራዔኤሌና ዬሩሳላሜናይዳ ሻኣካያ ማዓ ቄፆ ባኣዚ ዔያታ ማዳ፤ ዬይ ያዲ ማዓሢ ሜሌ ያኦዞ ካኣሸካያ ማዓ ያንጎ ላኣሎ ዔኪያና ናንገና ናንጋ ጎዳ ናሸካ ጌኤዦ ማኣሮ ዪሁዳ ዒኢሴሢሢሮኤ። 12 ዬያ ማዳ ዓሢ ቢያ ባኮ ዋይሢ ጎዳም ዒንጎ ዒንገሢ ሺኢሺያ ማዓያታቲያ ናንገና ናንጋ ያይቆኦ ማኣሮ ባኣካፓ ዒዛ ባባይዞንጎ።

13 ሜሌ ዒንሢ ማዳ ባካ፡- ናንገና ናንጋ ጎዳ ዒንሢ ዒንጋ ባኮ ዔኩዋኣሢሮ ናንገና ናንጋ ጎዳም ዒንጎ ባኮ ዒንጎ ቤዘይዳ ዬኤኪ ዓቢሢና ዒንሢ ዬያ ቤዘ ማሰካ። 14 «ዒዚ ዓይጎሮ ኑኡኒ ዒንጋ ዒንገያ ዔኩዋይ?» ጌይ ዒንሢ ያኦጫ፤ ናንገና ናንጋ ጎዳ ዒንሢ ዒንጋ ባኮ ዔኩዋኣሢ ዒንሢ ዋላ ጫኣቄ ጴጋቶና ዓኣዎ ዋላ ዒንሢ ዔኬ ማቸንሢም ዒንሢ ጉሙርቁንቱዋያ ማዓሢሮኤ፤ ዬያኮ ዒንሢ ባኣካ ናንገና ናንጋ ጎዳ ማርካኤ። 15 ያኦሲ ዒንሢንታ ዒንሢኮ ማቸንሢንታ ፔቴ ዑሢና ፔቴ ዓያናና ዓኣዎ ማዓንዳጉዲ ማሂባኣዓዳ? ዬይ ዒዛኮ ማሊፃ ዓይጌንዴዳይ? ዒዛኮ ጴኤፖ ማሊፃ ያኦሲኮ ዴሬ ማዓ ናይ ዒንሢ ሸዓንዳጉዲ ኮይሢናኤ፤ ዬያሮ ዒንሢ ፔቴ ፔቴሢ ፔኤኮ ማቸንሢም ጫኣቄ ጫኣቄዋ ሻሁዋጉዲ። 16 «ታኣኒ ዓኒና ማቸናኮ ዓንጂንቶ ዒዒፃ፤ ዒንሢዳፓ ፔቴ ዓሲታዎ ዬያጉዴ ፑርታ ማዓ ዓንጂሢ ዓንጂንዳጉዲ ታኣኒ ኮዑዋሴ፤ ዬያሮ ዒንሢኮ ማቸንሢም ጉሙርቁንቱዋያ ማዓ ዒንሢ ጫኣቄ ጫኣቄዋ ሻሁዋጉዲ ዒንሢና ዔሩዋቴ።» ጋዓ፤ ዒሰራዔኤሌ ያኦሲ ማዓ ናንገና ናንጋ ጎዳሢ።

ያኦሲኮ ዋጎ ኬላ ዑኬያ ማዓያ

17 ዒንሢ ጌሰታ ጌኤዞና ቤዘ ቤዘ ጌሰቲ ናንገና ናንጋ ጎዳ ዒንሢ ሸናሴ፤ ዒንሢ ጋዓንቲ፡- «ዓይጎናንዳይ ኑ ዒዛ ሸናሲሴሢ?» ጋዓ፤ ዒንሢ ዒዛ ሸናሲሴሢ፡- «ፑርታ ማዳ ዓሲ ቢያ ናንገና ናንጋ ጎዳ ቤርታ ኮሺ ማዓ ጴዳ፤ ናንገና ናንጋ ጎዳ ዬይ ዋዋዛሳ።» ጌይ ጌይ፡ ሃሢ ገንሢ፡- «ፒዜ ዋጌ ዋጋ ያኦሲ ዋካዳይ?» ጌይ ጌይ ያኦጪያናኤ።

3

1 ቢያ ባኮ ዋይሢ ጎዳ ሂዚ ጋዓ፤- «ታኣኮ ጎይያ ገኣጊሻንዳጉዲ ታኣኮ ኪኢቶ ዓሢ ቤርታሲ ታኣኒ ዳካንዳ፤ ዬካፓ ዒንሢ ኮዓ ናንገና

ናንጋ ጎዳ ዔርቲባኣንቴ ጌኤዠ ማኣሪ ሙካንዳኔ፤ ዒንሢ ናሽካ ጫኣቁሞ ዛሎ ከኤዛ ኪኢቶ ዓሢ ጎኔና ሙካንዳኔ።»

2 ዒዚ ጋዓንቴ ዓንጊ ጊልፖ ታሚጉዲ፤ ጊንሣ ሃሣ ዓፒላ ማሰኮ ሳኣሙናጉዲ ማዔሢሮ ዒዚ ሙካ ከሎና ዶዲ ዔቃኒ ዳንዳዓያና ዒዚ ፔጋዲ ጳዳ ከሎና ዒዛ ቤርታ ዔቃኒ ዳንዳዓይ ያናዳይ?

3 ዒዚ ቢሮ ዓንጎ ሸኤሻሢና ጌኤሺ ኮሻ ዓሲጉዲ ዋጎ ፒዚሳኒ ዳዓንዳኔ፤ ሌዊ ዜርፃኣ ፃሉሞና ጆኦሲም ዓንጎ ዒንጊሢ ዓንጋያ ማዓኒ ዳንዳዓንዳያ ሄላንዳኣና ዋርቄና ቢራ ዓንጊናጉዲ ዔያቶ ዒ ጌኤሻንዳኔ።

4 ዪሁዳና ዬሩሳላሜና ዳራ ናንጊና ናንጋ ጎዳም ሺኢሻ ዒንጊያ ማናኣ ዋዶና ናንጊና ናንጋ ጎዳ ዋዛሳ ጎይጆጉዴያ ማዓንዳኔ። 5 ቢያ ባኮ ዋይሣ ጎዳ ሂዚ ጋዓኔ፡- «ታኣኒ ዋጌ ዋጋኒ ዒንሢ ባኣኮ ሙካንዳኔ፤ ዓማና ታኣኒ ማርሻ ማርሻ ዓሶ፡ ዘኣዛ ኮኣማ ዓሶ፡ ለኡዙሞና ማርካዳ ዓሶ፡ ማዶ ማዳ ዓሶም ማዴሢ ዛሎ ዒንጎ ማኢሻ ጌሺ ዓይሳ ማዲሻ ዓሶ፡ ዜኤሮ ዒንደንሢንታ ዜኤሮ ናኣቶ ሄርቄ ዋይሣ ዓሶ፤ ጊንሣ ሃሣ ዒዳ ዳውሶና ዓሶም ፒዜ ዋጌ ዋጉዋ ዓሶና ታና ዒጊጩዋ ዓሶ ዑፃ ሩኡሪና ታኣኒ ዋጋንዳኔ።»

ታጰ ባኣዚፓ ፔቴማ ጆኦሲም ዒንጊሢ ዳምቤ

6 «ታኣኒ ናንጊና ናንጋ ጎዳ ላኣሚንቴዋያኮ፤ ዬያሮ ዒንሢ ያይቆኦ ዜርፃ! ሃጊ ዒንሢ ጋፒ ባይቆባኣሴ። 7 ማና ዒንሢኮ ቤርታኣ ዓደንሢ ዋዳፓ ዓርቃፆ ታኣኮ ዋጋፓ ዒንሢ ሃኤኔ፤ ካፒያኣ ካፒባኣሴ። ሃንጋ ታ ባንሢ ማዑዋቴ፤ ታኣኒያ ዒንሢ ባንሢ ማዓንዳኔ ጋዓኔ፤ ቢያ ባኮ ዋይሣ ጎዳሢ። ዒንሢ ጋዓንቴ፡- «ኡኡኒ ኔ ባንሢ ዋማይዲ ማፆንደይ?» ጋዓኔ። 8 ዓሲ ናንጊና ናንጋ ጎዳኮ ባኮ ወኡቃኒ ኮይሳያዳ? ጋዓንቴ ዒንሢ ታ ባኮ ወኡቄኔ፤ ዒንሢ፡- «ኡኡኒ ወኡቄሢ ዓይጎዳይ?» ጋዓኔ፤ ዒንሢ ታኣኮ ወኡቄሢ ዒንሢኮ ዓኣ ባካፓ ታጰኮ ፔቴማ ዒንጋ ባኮንታ ሜሌ ዒንጎ ባኮዋ ዒንጎ ሃሺያናኤ። 9 ዒንሢ፡ ዳራ ቢያሢ ታ ባኮ ወኡቄሢሮ ዒንሢ ቢያሢ ጋዳንቁንቴያ ማዓኔ። 10 ታኣኮ ጌኤዠ ማኣሮይዳ ሙኡዚ ሚርጋንዳጉዲ ዒንሢኮ ዓኣ ባካፓ ታጰኮ ፔቴማ ዔኪ ዔኪ ኮናይዳ ዋሁዋቴ፤ ዬያ ዒንሢ ማዴያ ማዔቴ ታኣኒ ጫሪንጮኮ ፑልቶ ካሮ ቡሊ ኮሺ ማዔ ዓንጆ ቢያ ሚርጊሺ ታ ዒንሢም ዒንጊባኣቴ ዬያና ታና ዒንሢ ዛጊ ዔራኒ ዳንዳዓኔ። 11 ሃኣኮ ዒንሢኮ ኮሴ ፑርቲሱዋጉዲ ታኣኒ ቃዘንዳኔ፤ ዋይናኣ ዒንሢኮ ዓኣፑዋፆ ጉሪ ዓታዓኤ፤ 12 ሃካፓ ሴካ ሜሌ ዳራ

3:1 3:1 ማቴ. 11:10፤ ማር. 1:2፤ ሉቃ. 1:76፤ 7:27። 3:2 3:2 ዓዲ. 2:11፤ ዮሃ. ያፔጳ 6:17። 3:10 3:10 ሌዊ. ዓኤ 27:30፤ ፓይ. ማፃ 18:21-24፤ ላሚ. ዋማ 12:6፤ 14:22-29፤ ኔሄ. 13:12።

ቢያ ዲንህ:- «ዔያታ ዓንጂንቴ ዓሲኬ» ጋዓንዳኔ።» ዬያ ጌዔህ ታና ቢያ ባኮ ዎይህ ጎዳሂኬ።

ዳር ያእሲ ማእራጎዳያ ማዒያ ኬኤዜ ሃጊ ማዓ ዎዛ

13 ናንጊና ናንጋ ጎዳ ሂዚ ጋዓኔ:- «ዲንህ ታ ዑፃ ጫርቂ ጌሰታኔ፤ ሃሃ ጊንህ:- ኦኦኔ ኔ ዑያይዳ ዓይጎ ፑርታ ባኦዚ ጌሰቲይ?» ጌይ ዲንህ ያኦጫኔ፤ 14 ዲንህ:- «ናንጊና ናንጋ ጎዳም ማዲሂ ጉሪኬ፤ ዲዛኮ ዓይሂያ ካፒሂንታ ያያ ዓሲጉዲ ቢያ ባኮ ዎይህ ጎዳሂ ቤርታ ሃንቲፃ ዓይጎ ኦና ማኦዳይ? 15 ሃሂ ኦ ዛጋ ጎይያታቴ ሃይሾ ፑርቶ ማዲ ዓሳ ዎዛዲ ናንጋኔ፤ ጎኔና ያርጎጪ ናንጋኔ፤ ናንጊና ናንጋ ጎዳ ዎይታቴያ ዛጋጊ ማዲ ዓሳ ዓይጎ ሜታኦ ሄሎዎሴ» ጌይ ጌይ ዲንህ ጌሰታኔ።»

16 ዬካፓ ናንጊና ናንጋ ጎዳ ቦንቻ ዓሳ ዎላ ጌሰቲኔ፤ ዲዚያ ዔያቶ ጌኤዛ ዲናፓ ዎይዜኔ፤ ናንጊና ናንጋ ጎዳ ዲጊጫዞንሂና ሱንያዎ ዲዛኮ ቦንቻዞንሂኮ ሱንያ ዔያታ ማዲ ባኮ ጳቂህያ ማዲ ናንጋንዳጉዲ ማፃኦፔይዳ ፃኦፒንቴኔ። 17 ቢያ ባኮ ዎይህ ጎዳሂ:- «ዔያታ ታኦር ማዓንዳኔ፤ ታኦኒ ማዲ ኬሎና ታ ሚኦሽ ዔያታ ማዓንዳኔ፤ ሾዔ ዓሳ ፔኤም ማዲ ዓቲንቆ ናያ ሚጪንቴ ማኦዳሂጉዲ ታኦኒያ ዔያቶ ማኦዳንዳኔ። 18 ዬና ዎድና ዒሎንታ ጎሞ ዓሲንታ ያኦሲም ዓይሂንታ ዓሲንታ ዓይሂንቲዎ ዓሲንታ ባኦካ ዓኦ ዲሙሞ ዲንህ ላሚ ዛጋንዳኔ።»

4

ናንጊና ናንጋ ጎዳኮ ዎጎ ኬሎ

1 ቢያ ባኮ ዎይህ ጎዳሂ ሂዚ ጋዓኔ:- «ያቶርቃ ዓሲንታ ፑርቶ ማዲ ማዲ ዓሲንታ ዲኦሪጉዲ ጌኤካ ታሚና ሙይንታንዳ ዎዴ ሙካኔ፤ ዬይ ሙካ ኬላ ዔያቶኮ ፃጸንታ ካኦፖዎ ዓይሱዎም ቢያ ሙዓንዳኔ።

2 ዲንህ ታኦኮ ሱንያ ቦንቻዞንሂም ጋዓንቴ ዒሎ ዓቢ ያርቃንዳኔ፤ ዬይ ዳቂንታኦ ዲንህም ዔኪ ዬዓንዳኔ። ጊርባይዳፓ ቶሊ ኬሰኬ ለንጋ ናኦሪጉዲ ዲንህ ዒካንዳኔ። 3 ታኦኒ ዬያ ማዲ ኬሎና ፑርቶ ዓሳ ዲንሂኮ ቶኮ ዴማ ዲቢንሂጉዲ ሄርቂንታንዳኔ።

4 «ዲሰራዔኤሌ ዴራ ቢያ ዓይሂንቲ ናንጋንዳጉዲ ሲኦና ዲኮይዳ ታኦም ማዲሂ፤ ሙሴም ታኦኒ ዲንጌ ዎጎና ዓይሂያና ማሊ ጳቂሁዎቴ።

5 «ዳኤፒ፤ ሃሃ ዲጊቻያ ማዔ ታና፤ ናንጊና ናንጋ ጎዳኮ ኬላ ሄላንዳሂኮ ቤርታ ታ ማሊያ ኬኤዛ ዔኤሊያሴ ታኦኒ ዲንሂም

ደካንዳኔ። 6 ታኣኒ ሙከራ ሳዖ ዲንሢኮ ጋደንቁዋጉዲ ዲዚ ዓደንሢ
ዲሮ ናኣቶ ባንሢ፤ ሃሣ ናኣቶ ዲሮዋ ዓደንሢ ባንሢ ማሃንዳኔ።»

4:5 4:5 ማቲ. 11:14፤ 17:10-13፤ ማር. 9:11-13፤ ሉቃ. 1:17፤ ዮሃ. 1:21።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929